

**ДЭЛХИЙН ЭРҮҮЛ МЭНДИЙН БАЙГУУЛЛАГААС
КОВИД ЦАР ТАХЛЫН ҮЕД УЛС ОРНУУДЫН ЗАСГИЙН ГАЗАР, ЭРҮҮЛ
МЭНДИЙН САЛБАРЫН УДИРДЛАГУУДАД “ЭМЧ, СУВИЛАГЧ, ЭРҮҮЛ
МЭНДИЙН АЖИЛТНУУДЫН НӨӨЦИЙН МЕНЕЖМЕНТ”-ИЙН ТАЛААР
ГАРГАСАН ЗӨВЛӨМЖ**

**“Эрүүл мэндийн ажилтны эрүүл ахуй, аюулгүй байдлыг хангаснаар
өвчтөнийг авран хамгаална”**

Дэлхийн эрүүл мэндийн байгууллагаас улс орны засгийн газар болон эрүүл мэндийн салбарын удирдлагуудад эрүүл мэндийн салбарын ажилтнуудын эрүүл, ахуй, аюулгүй байдалд эрсдэл учирч болзошгүй байгаа талаар сэрэмжүүлэг, мэдээллийг гаргасаар байна.

Эрүүл мэндийн салбарын ажилчид өвчтөнийг өвчин зовлонгоос ангижруулдаг, тэдний амь насыг авран хамгаалдаг болохыг Ковид цар тахал бидэнд дахин хүчтэй санууллаа гэж Дэлхийн эрүүл мэндийн байгууллагын захидал хэлсэн. Дэлхийн эрүүл мэндийн байгууллагын “Эрүүл мэндийн ажилтны эрүүл ахуй, аюулгүй байдлын харт”-аас эрүүл мэндийн ажилтны эрүүл, аюулгүй ажиллах орчин нөхцөл, сургалт, цалин хөлсний тогтолцоог сайжруулахыг зөвлөмж болгосон.

Эрүүл мэндийн ажилтны эрүүл, аюулгүй байдлыг сахин хамгаалснаар эрүүл мэндийн салбарын үйл ажиллгаа хэвийн явагдах, нийгмийг өвчин, тахлаас хамгаалах нөхцөл бүрдэнэ.

“Эрүүл мэндийн ажилтны эрүүл ахуй, аюулгүй байдлын харт”-аас Засгийн газар болон Эрүүл мэндийн салбарын удирдлагуудад дараах 5 арга хэмжээг хэрэгжүүлэхийг санал болгосон. Тухайлбал, эрүүл мэндийн ажилнуудыг дарамт, хүчирхийллээс анgid байлгах, тэднийг мэдрэлийн ядаргаанд өртүүлэхгүй байх, тэднийг бие болон биологийн аюултай, эрсдэлтэй орчноос хамгаалах, эрүүл мэндийн ажилтны эрүүл ахуй, аюулгүй байдлын үндэсний хөтөлбөрийг боловсронгуй болгох, мөн эрүүл мэндийн ажилны аюулгүй байдлын бодлого, өвчтөний аюулгүй байдлын бодлогыг нэгтгэх, уялдуулах ажлууд багтаж байна.

1. Эрүүл мэндийн ажилтны аюулгүй байдлын бодлого, стратегийг өвчтөний аюулгүй байдлын бодлогыг нэгтгэж нэгдмэл байдлыг бий болгох

- Мэргэжилтний эрүүл мэнд, аюулгүй байдал болон өвчтөний аюулгүй байдал, чанарын сайжруулалт, халдвараас сэргийлэлт, хяналтын тогтолцооны нэгдмэл дотоод уялдааг хөгжүүлэх
- Эрүүл мэндийн бүх шатны ажилчдын боловсрол, сургалтын хөтөлбөрт хувь хүн болон өвчтөний аюулгүй байдлыг хангах чадварын сургалтыг суулгаж өгөх
- Мэргэшлийн лиценз, адистачлалын стандартад эрүүл мэндийн ажилтан, өвчтөний аюулгүй байдлын шаардлагуудыг тусгах
- Ажилтан болон өвчтөний аюулгүй байдлын тохиолдлын тайлан болон сургалтын системийг нэгтгэх
- Эрүүл мэндийн мэдээллийн системд ажилтан болон өвчтөний аюулгүй байдлын нэгдмэл хэмжүүрийг нэгтгэх

2. Эрүүл мэндийн ажилтнуудын мэргэжлийн эрүүл мэнд болон аюулгүй байдлын үндэсний хөтөлбөрийг боловсруулж хэрэгжүүлэх

- Мэргэжлийн эрүүл мэнд болон аюулгүй байдлын бодлогын хүрээнд үндэсний хөтөлбөрийг боловсруулж хэрэгжүүлэх
- Эрүүл мэндийн ажилтнуудын мэргэжлийн эрүүл мэнд болон аюулгүй байдлыг хангахад чиглэсэн эрх зүйн баримт бичиг, хууль, дүрэм, журмыг сайжруулах
- Мэргэжлийн эрүүл мэнд, аюулгүй байдлын асуудал хариуцсан албан хаагчдын ажлын байрыг бий болгож томилж ажиллуулах
- Мэргэжлийн эрүүл мэнд, аюулгүй байдлын стандарт, дүрэм, журмыг боловсруулах
- Эрүүл мэндийн салбарын ажилтан, албан хаагчдын хөрвөж ажиллах чадавхыг нэмэгдүүлэх, жендерийн харьцаа, орлон ажиллах нөхцлийг судлах, зохистой менежментийн тогтолцоог бүрдүүлэх
-

3. Эрүүл мэндийн ажилнуудыг ажлын байрны дарамт, шахалтаас сэргийлэх

- Эрүүл мэндийн салбарт ажлын байрны дарамт, шахалтыг таслан зогсооход чиглэсэн хууль санаачлан батлуулж мөрдүүлэх
- Эрүүл мэндийн ажилтнуудад чиглэсэн дарамт, шахалтыг тэвчидгүй соёлыг төлөвшүүлэх, дэмжих

- Эрүүл мэндийн ажилтнуудыг шахалт, дарамтад өртөхөөс сэргийлэхэд чиглэсэн бодлого, журмыг сурталчлах, таниулах ажлыг зохион байгуулах
- Дарамт, шахалтад өртсөн ажилтан энэ талаар аюулгүй байдлаар мэдээлэх механизмыг бий болгох

4. Эрүүл мэндийн ажилтны сэтгэцийн эрүүл мэнд болон сэтгэл зүйн амар тайван байдлыг нэмэгдүүлэх

- Зохистой ажлын цагийг мөрдүүлэх, цайны цаг, үдийн амралтын цагийг гаргах, эдгээрийг бүх ажилтнуудад шударгаар мөрдүүлэх, мөн захиргааны албадлагыг аль болох бууруулах
- Эрүүл мэндийн тусламж үйлчилгээний тоног төхөөрөмж дээр ажиллах ажилтныг зөв тодорхойлж, хуриарлах
- Ажилтныг зэмлэх бус ажиллуулах тал дээр анхаарах, нээлттэй харилцааг өргөжүүлэх
- Эрүүл мэндийн ажилтнуудыг сэтгэцийн тайван байдал болон нийгмийн дэмжлэгийн үйлчилгээг авах бололцоогоор хангах, ажил, амралтын зохистой харьцааг баримтлах, эрсдлээс өөрсдийгөө хамгаалахад чиглэсэн зөвлөгөө өгөх

5. Эрүүл мэндийн ажилтнуудыг бие болон биологийн аюултай болон эрсдэлтэй орчноос хамгаалах

- Эрүүл мэндийн системийн хэмжээнд хэрэглэгдэж бүх төрлийн тоног төхөөрөмжтэй харьцах, халдварт эрсдлээс хамгаалах санамж, зөвлөмжийг эрүүл мэндийн ажилтнуудад таниулах
- Эрүүл мэндийн ажилтнуудад халдвараас хамгаалах хувцас, хэрэглэлийг хангалттай хүргэх, хийж гүйцэтгэх үүрэг даалгаварт нь тохирсон хамгаалалтын хэрэгслийн нөөцийг бүрдүүлж, бүрэн хэрэглэж занших
- Эрүүл мэндийн системийн хэмжээнд хэрэглэгдэж байгаа тоног, төхөөрөмжийг ариутгах, цэвэрлэх, халдвартгуйжүүлэх албыг ажиллуулах
- Эрүүл мэндийн ажилтнуудыг гепатит Б, улирлын чанартай харшил зэрэг дархлааг унагах эрсдэлтэй өвчинүүдийн эсрэг болон шинэ халдвартын эсрэг вакцин лиценз авсан дариуйд дархлаажуулалтад эхний ээлжинд бүрэн хамруулах ажлыг зохион байгуулах
- Эрүүл мэндийн ажилтнуудыг гэмтэж бэртэх, хиймийн болон радио идэвхт халдвараас хамгаалах хэрэгсэл, нөөцөөр хангах